

SOS
RACISMO

Galicia



¿ Me llamo Aia y quiero
que acabe la guerra para
conocer a mis abuelos ?

اسمي آية وأريد أن تنتهي الحرب
لأعرف على أجدادي

MEMORIA ANUAL 2015

FOTOGRAFÍA: ANTÍA GARCÍA SENDÓN

ÍNDICE



*“Mudemos o mundo,
amigo Principiño... que
non é loucura nin
utopía, senón
xustiza.”*

*Le Petit Prince. Antoine de
Saint-Exupéry*

Carta da presidenta

02

Valoración e obxectivos
futuros

Quen somos

03

A nosa visión

Construindo pontes

04

Actividades e proxectos

Derrubando muros

09

Denuncia social e
Sensibilización

En cifras

14

Datos de actividades e
económicos

Tras as cifras

17

Valoración de resultados

Mboy moe dole

19

Colaboración e
participación

Somos tod@s

20

Agradecementos

DERRIBANDO MUROS, CONSTRUÍNDOLAS PONTES.



Vanessa Míguez Martín. *Presidenta de SOS Racismo Galicia*

O 2015 foi un ano marcado, sen dúbida, pola crise das persoas refuxiadas, con case 60 millóns de seres humanos obrigados a fuxir dos seus fogares, unha situación que non era tan dramática desde a Segunda Guerra Mundial. Paralelamente, distintos ataques terroristas ocorridos en territorio europeo, fixeron volcar a atención da opinión pública cara conflitos que parecían esquecidos, e co transcorrer dos acontecementos foise xerando unha verdadeira pandemia de crecente islamofobia nunha Europa escurada á dereita, e cun discurso e política, en moitos países, xenófoba e racista.

No caso do Estado español, diversos informes e os propios datos oficiais publicados polo Ministerio do Interior sobre delitos de odio (2014), sinalan que o 40% dos ataques producidos no noso contexto son por islamofobia, e un 31% por racismo, sendo, polo tanto, a tipoloxía de crimes de odio máis habituais os racistas e xenófobos. O aumento do racismo, a intolerancia e a estigmatización de inmigrantes é un feito palpable. Pero o máis perigoso para a convivencia pacífica das sociedades multiculturais, é que tanto os discursos políticos como os dos grandes medios de comunicación de masas optaron por acrecentar esta lacra. O racismo ademais está instaurado a nivel institucional, con actuacións tan abominábeis como as identificacións por perfil racial, a propia existencia dos CIE, ou con lexislación tan retrógrada como a que supón a chamada “lei mordaza”, que non fai senón criminalizar aínda máis a colectivos nunha situación de extrema vulnerabilidade, nun ambiente de crecentes tensións sociais que ten causado a crise económica que sufrimos nos últimos anos.

Desde SOS Racismo Galicia, e grazas ao apoio de todas as persoas que estades aí (voluntariado, socias, entidades colaboradoras, etc.), seguiremos esforzándonos na loita por construír unha verdadeira convivencia intercultural, denunciando a intolerancia e as inxustizas sociais, e potenciando a diversidade como un valor a defender e respectar na nosa sociedade.

**... os propios
datos oficiais
publicados
polo
Ministerio de
Interior sobre
delitos de odio
(2014), sinalan
que o 40% dos
ataques que se
produciron no
noso contexto
son por
islamofobia, e
un 31% por
racismo...**



QUEN SOMOS

SOS Racismo Galicia é unha organización sen ánimo de lucro, independente, laica, multicultural e plural, que se enmarca dentro da Federación de Asociacións de SOS Racismo do Estado español.

O principais fins que perseguimos son:

- Loitar contra calquera forma de discriminación por razón de cor de pel, de orixe, de cultura ou de relixión, para lograr unha sociedade xusta e libre de prexuizos e estereotipos.
- Difundir valores, actitudes e prácticas para que a poboación recoñeza, acepte e normalice o carácter pluricultural e multiétnico da sociedade galega, e valore positivamente a riqueza socioeconómica que aporta a diversidade e a interculturalidade.

- Favorecer a integración sociolaboral dos colectivos inmigrantes residentes en Galicia.

O noso ámbito de acción é a comunidade galega, onde traballamos conxuntamente con outras entidades locais para achegar o noso traballo á maior cantidade posible de persoas e ampliar a área de incidencia da entidade.


CONSTRUÍNDOPONTES, DERRUBANDO MUROS



OFICINA DE INFORMACIÓN E
DENUNCIAS



SERVICIO DE ATENCIÓN E MEDIACIÓN
INTERCULTURAL



ORIENTACIÓN E FORMACIÓN



CONCIENCIACIÓN



DENUNCIA SOCIAL



Oficina de información e denuncias

SOS Racismo Galicia ofrece **un espazo de información e denuncia** para aquelas persoas que teñan sido **víctimas ou testemuñas de comportamentos racistas ou xenófobos**, que teñan provocado **agresión, vulneración dos dereitos fundamentais, aplicación desigual de dereitos e da igualdade de oportunidades**.


a) **Apoio xurídico e psicosocial** a aquelas persoas que fosen vítimas de discriminación racista e/ou xenófoba.

b) **Denunciamos** calquera tipo de feito discriminatorio.


c) **Mediamos** en caso de conflito cultural.

d) **Informamos** ás personas pertencentes a minorías étnicas sobre os seus dereitos.


e) **Documentamos** os casos de racismo e xenofobia que teñen lugar en Galicia para a súa posterior publicación nos Informes Anuais sobre o Racismo no Estado español.



Clasificación de denuncias recibidas na OID de agresións racistas e/ou xenófobas en función do axente discriminador. 2015



Tipoloxía das denuncias recibidas na Oficina de Información e Denuncias (OID) de SOS Racismo Galicia 2015



S.A.M.I. (Servizo de Atención e Mediación intercultural)

O SAMI pretende contribuir a mellorar a convivencia intercultural do conxunto da poboación, establecendo para tal fin, canles de comunicación e de entendemento que parten de concepcións de igualdade e de respecto entre as diversas culturas.

Qué ofrece o SAMI:

- Servizo especializado de Mediación Intercultural e/ou Traducción e Interpretación sociocultural e lingüística.
- Coñecemento en profundidade de diferentes culturas.

- Manexo de diferentes idiomas.
- Amplio coñecemento dos recursos da sociedade de acollida.

A intervención do SAMI pode direccionarse cara calquera ámbito (laboral, sanitario, educativo, xurídico-administrativo...), beneficiando a súa acción a toda a sociedade..



Durante o pasado ano 2015, SOS Racismo Galicia desenvolveu -en colaboración coa Fundación “La Caixa”- un programa específico no ámbito educativo (SAMI EDUCATIVO), no cal se traballou conxuntamente con catro dos centros de ensinanza secundaria que, na cidade da Coruña, contan con maior diversidade de alumnado en canto á súa orixe xeográfica-cultural:

- IES Agra del Orzán
- IES Rafael Dieste
- IES Urbano Lugo
- IES Sardiñeira

Este programa pretendeu axudar a construír un marco común de convivencia intercultural nos ditos centros educativos, mediante a posta en marcha de diversas accións complementarias, con incidencia en distintos aspectos dos procesos de ensinanza-aprendizaxe e en todos os sectores da comunidade educativa. Así, adecuáronse tanto os contidos curriculares a impartir como a formación do profesorado, impulsouse a participación das familias de orixe migrante e promoveuse a coordinación dos centros educativos cos servizos sociais, sanitarios e culturais da contorna.

Deste modo, o SAMI constitúese nunha importante fonte de apoio para a inclusión escolar do alumnado de orixe migrante residente na Coruña, a través de accións de

orientación e/ou mediación intercultural e de apoio no seu proceso educativo.


ACTIVIDADES IMPLEMENTADAS

Escola Intercultural


Apoio ao profesorado sobre a Xestión da Diversidade Cultural

Formación das AMPAS sobre Educación e Convivencia Intercultural

Programa de acompañamento socioeducativo para familias inmigrantes



Escola intercultural. Mensaxes escritas polo alumnado de 1º ESO do IES Sardiñeira a Xulio despois de escoitar o seu testimonio sobre a súa viaxe dende Camerún ate España.



Orientación e formación

Orientación

Facilitamos información, asesoramento e apoio na xestión de trámites en materias tales como: familia, educación, traballo, prestacións sociais, recursos comunitarios, saúde, etc... así como asistencia xurídica en materia de estranxeiría, coa finalidade de que cada membro da comunidade poida desenvolverse, contribuíndo ao benestar individual e social.

AGORA EU

Desde o mes de outubro, grazas á colaboración do Fondo Social Europeo e da Consellería de Traballo e Benestar da

Xunta de Galicia, puxemos en marcha o proxecto “Agora Eu”, co obxectivo de facilitar o acceso ao mercado laboral da xuventude inmigrante a través da mellora dos seus niveis de empregabilidade, atendendo unha media de 20 novos/as participantes ao mes.

Dentro do ámbito da **Formación**, as nosas actividades son dinámicas e adáptanse ás demandas das persoas participantes nos diferentes programas. Durante o ano 2015, estas foron as principais actividades formativas desenvolvidas::

- Alfabetización (6 horas semanais).
- Apoio educativo na preparación de competencias clave, acceso a ciclos medios de formación profesional e probas libres de Educación Secundaria Obrigatoria (6 horas semanais).
- Curso “Funcionamento e características da sociedade de acollida” (dúas edicións de 40 horas).





Concienciación

CONCURSO-CAMPAÑA PUBLICITARIA 2015



Durante o pasado ano, desde SOS Racismo Galicia lanzamos un concurso-campaña publicitaria contra o racismo e a xenofobia e a favor da promoción da diversidade e da igualdade de dereitos. Co obxectivo de incentivar o debate social sobre estas cuestións, convocouse un concurso ao que calquera persoa puido presentar a súa proposta gráfica (imaxe e slogan), vinculada ás temáticas da interculturalidad, convivencia, inmigración, igualdade de dereitos e loita contra o racismo e a xenofobia. Así mesmo, para a elección da obra finalista contou, ademais de con un xurado de expertos/as, coa colaboración de todos/as os/as internautas que desexaron contribuír coa súa votación, involucrando e facendo así máis partícipe á

sociedade neste proceso. O xurado estivo composto por membros de SOS Racismo e profesionais do mundo da comunicación como **Pancho Casal, Asociación de Prensa da Coruña** e **Jorge Bravo**.

O xurado valorou a orixinalidade, a variedade, a mirada positiva da interculturalidad, da integración e da non discriminación, a denuncia do racismo e o esforzo técnico e creativo dos traballos presentados.



CAMPAÑA POR UNA REDE DE ESPAZOS LIBRES DE XENOFOBIA

Empregando o lema “*Racistas: mantenos fóra de xogo*”, primeiro finalista do concurso anteriormente referido, SOS Racismo lanzou unha campaña dirixida aos espazos de hostalería e de lecer de toda Galicia, convidándoos a adherir a esta iniciativa para mostrar publicamente o seu

posicionamento contra o racismo e a xenofobia, así como a súa política de tolerancia cero ante calquera actitude deste tipo que puidese producirse nas súas instalacións. Coa colocación do cartel da campaña nos seus respectivos locais, os establecementos colaboradores contribúen diariamente á denuncia da discriminación e á creación dunha conciencia en prol dunha sociedade igualitaria.

Establecementos colaboradores durante o ano 2015:

Centro Social A Comuna (A Coruña)

Oficina de Cooperación e Voluntariado da Universidade de A Coruña (A Coruña e Ferrol)

Bar La Parroquia (A Coruña)

Bar O Polvorín (A Coruña)

A Ras de Ras cafe&mas (Santiago de Compostela)

Restaurante Mamá África (A Coruña)

Eco-tenda Macarena (A Coruña)

Bar O Chiringuito (A Coruña)

Tienda deportiva Topboxing (A Coruña)

Campaña *Galeg@s coma ti*

Con motivo do Día Internacional Contra a Discriminación Racial -conmemorado anualmente o día 21 de Marzo- as entidades SOS Racismo Galicia e a ONGD Viraventos puxeron en marcha a campaña *Galeg@s coma ti* co propósito de concienciar sobre a riqueza que supón o feito de que Galicia sexa unha sociedade plural, multirracial e diversa. Concibida como unha campaña participativa e interactiva, nela convidouse aos/as usuarios/as de Facebook e Twitter a empregar as redes sociais para divulgar esta mensaxe de apoio á convivencia intercultural e á igualdade entre todas as persoas residentes en Galicia, independentemente da súa orixe xeográfica, étnica ou cultural. Para tal, os/as internautas realizaron e compartiron selfies -sós ou en compañía doutras persoas -co lema da campaña, lográndose unha ampla difusión da mesma.



stop mortes no mediterráneo

Denuncia social

STOP MORTES NO MEDITERRÁNEO

Ao longo do ano 2015 intensificáronse os constantes episodios de naufraxios no mar Mediterráneo. Milleiros de persoas continuaron tentando alcanzar as costas europeas para salvar as súas vidas, tratando de fuxir da guerra, os conflitos e as persecucións. Tan só no primeiro cuadrimestre do 2015, en comparación co ano precedente, a cifra de mortes multiplicouse por cen. Frente a esta inxente crise humanitaria, a Unión Europea continuou negándose tanto a permitir a entrada legal das persoas refuxiadas como a proporcionar os recursos necesarios para realizar operacións de rescate daquelas que, ante a falta de alternativas, víronse forzadas a arriscar as súas vidas ao tentar entrar en Europa a través de medios precarios e perigosos. Diversos responsables políticos europeos, entre eles o propio Ministro do Interior español, defenderon posicións xenófobas e inhumanas ao soste que realizar operacións de rescate suporía alentar á fuxida

de máis persoas refuxiadas, invocando a un suposto “efecto chamada” para xustificar a súa inacción ante a permanente morte de miles de seres humanos ás portas dun continente que outrora se dicía defensor dos Dereitos Humanos.

SOS Racismo Galicia, do mesmo xeito que o resto de organizacións que forman parte da Federación Estatal de SOS Racismo, traballa para visibilizar estas situacións e para reclamar o cumprimento efectivo do dereito de asilo e refuxio que, segundo a lexislación internacional, debe asistir a toda persoa. Realizamos ademais, unha labor constante de denuncia das políticas migratorias que atentan contra os dereitos humanos e das políticas exteriores que contribúen ao empobrecemento dos países de orixe destas persoas, así como a xeración e/ou perpetuación dos conflitos. Xunto con moitas outras entidades da sociedade civil (África Universal, Amnistía Internacional, Asociación

Veciñal Agra do Orzán, Comunidade Cristiá Vangarda Obreira, Domu África, Foro Galego de Inmigración, Fronte Cívica, La Paz, Médicos do Mundo, Mundo Sen Guerras e Sen Violencia e ONGD Viraventos), SOS Racismo Galicia colaborou na organización, o pasado 9 de maio, no Paseo Marítimo da Coruña, dunha performance alusiva ás miles de mortes evitables que se producen diariamente en augas do Mediterráneo. Vestidas con roupa negra, as persoas participantes amosaron a súa dor, indignación e rexeitamento ante o auténtico xenocidio migratorio que está tendo lugar, preguntando cantos refuxiados e refuxiadas máis teñen que morrer para que os gobernos europeos entendan que a protección das vidas destas persoas debe ser un imperativo legal e moral.



III SEMANA GALEGA DE LOITA CONTRA AS FRONTEIRAS


O *Foro Galego de Inmigración* é unha asemblea aberta que agrupa a uns 80 colectivos de carácter social, sindical e político que, ao longo de todo o territorio galego, traballan na defensa e reivindicación dos dereitos das persoas inmigrantes e emigrantes retornadas, así como na promoción da inclusión e da interculturalidade.

SOS Racismo Galicia forma parte activa desta rede que, durante o mes de novembro de 2015, organizou esta *Semana de Loita contra as Fronteiras*, con accións e iniciativas desenvolvidas en 5 cidades galegas: A Coruña, Ferrol, Compostela, Lugo e Vigo. Charlas-debates dinamizadas por persoas de diversos colectivos -*Tanquem els CIE*, *Colectivo Sem Papéis*, *Oficina de Dereitos Sociais*-, presentación de mocións nos concellos, instándooos a declararse **ciudades libres de CIE** (*Centros de Internamento de Estranxeiros/as*), actuacións musicais, teatrais e de contacontos, cenas interculturais de confraternización, concentracións e actos reivindicativos... foron algunhas das accións realizadas no ámbito desta iniciativa, que en Galicia acada xa a súa terceira edición consecutiva.

As charlas desta *Semana Galega contra as Fronteiras* xiraron en torno á vulneración sistemática de dereitos básicos e fundamentais que actualmente representa a política migratoria adoptada pola Unión Europea: Centros de Internamento de Estranxeiros/as, voos colectivos de deportación, devolucións ilegais nas fronteiras, mortes evitables ás portas dos países europeos...

A *Moción Cidades Libres de CIE* foi presentada aos concellos co obxectivo de xerar mecanismos municipais que velen polo cumprimento do principio de igualdade e de non discriminación entre todas as persoas que residen no estado español. Aínda que a lexislación española propugna a igualdade e prohíbe expresamente a discriminación por razón de "nacemento, raza, sexo, relixión, opinión ou calquera outra condición ou circunstancia persoal ou social" (artigo 14 da Constitución), existen prácticas cotiás por parte das institucións e das forzas e corpos de seguridade que contradín ditos principios: redadas policiais no espazo público ou nas redes de transporte, baseadas exclusivamente en perfís raciais –sen axustarse a ningún outro criterio obxectivo–; privación de liberdade nos Centros de Internamento de Estranxeiros/as para persoas que non cometeron ningún delito (cabe lembrar que quen non consegue regularizar a súa situación documental, atópase ante unha falta administrativa, en

ningún caso tipificada como delito); deportacións exprés –antes de 72 horas– que vulneran o dereito á tutela xudicial efectiva; deportacións colectivas nas que se fletan ad hoc avións cara determinados países.



Os CIE son, en si mesmos, espazos de vulneración dos Dereitos Humanos, na medida en que privan de liberdade a persoas que non cometeron delito algún, contradicindo, ademais, a propia lexislación e o dereito internacional: artigo 3 da Declaración Universal dos Dereitos Humanos, artigo 9 do Pacto Internacional polos Dereitos Cívís e Políticos ou artigo 5 da Convención Internacional sobre a Eliminación de todas as formas de Discriminación Racial, entre outros



Numerosas organización defensoras dos Dereitos Humanos, veñen sinalando reiteradamente os frecuentes abusos e ilegalidades cometidas nos CIE contra cidadáns e cidadás estranxeiras, nun escenario onde abundan situacións de aillamento, incomunicación, negación de tratamento médico, e mesmo a morte evitable dalgũa destas persoas. Todo isto son realidades que causan un temor fundado e constante nas persoas migrantes, que se ven obrigadas a convivir diariamente con estas serias ameazas á súa liberdade, á súa integridade física e vital, e aos seus dereitos máis básicos.

Ante esta situación, o Foro Galego de Inmigración instou aos concellos - entidades próximas á cidadanía, con potencial para garantir os principios de democracia, igualdade e non discriminación- a traballar pola erradicación do racismo nos seus municipios e pola igualdade de dereitos e oportunidades para toda a cidadanía, para o cal convidouse aos plenos municipais a aprobar os seguintes acordos:

- Emprender medidas en base á legalidade e ás competencias existentes co obxectivo de garantir que ningún veciño ou veciña do municipio sexa identificado e detido por cuestións raciais e privado de liberdade polo mero feito de atoparse en situación administrativa irregular.

- Incluir nos convenios coas empresas adxudicatarias do transporte público a garantía do dereito á mobilidade de todas as persoas, mediante un uso das redes de transporte público que non se vexa perturbado por identificacións raciais.

- Instar ao Goberno do estado español a que inicie un proceso que leve ao peche dos Centros de Internamento de Estranxeiros/as.

- Instar ao Goberno a que cesen as deportacións exprés, mediante as cales a policía deporta a vecinos e veciñas do municipio baixo un réxime de detención de 72

horas, sen previo aviso e sen que medie ningún tipo de asistencia letrada.

-Instar ao Ministerio de Interior para que derogue, por vulnerar os dereitos fundamentais da veciñanza do municipio, o Protocolo de Deportación da Policía Nacional de 2007 que permite, entre outras medidas, a sedación forzosa, a suxeición con correas das persoas que van a ser deportadas, así como a inmovilización mediante unha camisa de forza.

-Instar ao Ministerio de Interior a que non se realicen deportacións en voos colectivos, nos que se constatou un gran número de situacións de vulneración de dereitos, tanto no procedemento que leva a conseguir encher os mesmos, como nos propios voos.





En cifras

Asesoramos **26** casos en
materia de **Dereito de**
Extranxeiría

Realizamos **18** accións
de **Mediación**
Intercultural

Ofrecemos **Orientación**
sociolaboral a máis de **85**
persoas *

Máis de **100** alumnos/as de IES participaron
en **obradoiros de diversidade cultural** a
través do programa S.A.M.I. Educación

Proporcionamos **apoio xurídico e social**
en **6** casos de discriminación ou
agresións racistas ou xenófobas

61 persoas participaron
nas diferentes **accións**
formativas realizadas.

6 persoas accederon a un
contrato laboral a través dos
nosos diferentes programas
de **inserción sociolaboral** *

Orientación en
materia **educativa** a
máis de **30** familias

Proporcionamos **Apoio e reforzo**
educativo a máis de **20** alumno/as de
Ensino Secundario

Máis de **150 horas** de **Accións**
Formativas na entidade

Contamos coa
colaboración de
máis de **20**
voluntarios/as

Desenvolvemos **3**
campañas propias contra o
racismo e a xenofobia

Alcanzamos os
1.400
seguidores/as nas
nosas **redes sociais**

**servizo ofrecido desde 01/10/2015*



Financiamento


Porque esiximos transparencia nos nosos discursos, somos coherentes, e a través destes datos pretendemos facilitarvos aquela información que poida ser máis relevante na área da financiación.

É por isto que a través destes gráficos, poderedes comprobar os ingresos obtidos por SOS Racismo Galicia durante o ano 2015, e a

súa procedencia. Por suposto, tamén indicamos onde se ten gastado ese diñeiro.


Somos conscientes de que gran parte da nosa financiación ven de administracións públicas, diñeiro de todos e todas nós, motivo máis que suficiente para deixarnos constancia de como se ten empregado.

INGRESOS



Ingresos 2015. Importes recibidos según fonte de financiamento

FONTES DE FINANCIAMENTO



ENTIDADES FINANCIADORAS



UNIÓN EUROPEA

Fondo Social Europeo

O FSE inviste no teu futuro



XUNTA DE GALICIA


CONSELLERÍA DE TRABALLO E BENESTAR

Dirección Xeral de Familia e Inclusión



Obra Social
Fundación "la Caixa"

GASTOS



Gastos 2015. Relación de porcentaxes en función da partida á que teñen sido destinados . (Importe Gastos Total 20.022,16 €)



Tras as cifras

As cifras anteriores sintetizan o traballo desenvolvido por SOS Racismo Galicia durante o último ano, e recollen algún dos logros atinxidos. Non queremos deixar de sinalar, non obstante, a existencia de numerosos obstáculos cos que se atopan habitualmente aquelas persoas que acoden á nosa entidade, pois a realidade social e institucional aínda dista moito do paradigma de convivencia intercultural ao que aspiramos.



A maioría das persoas e familias atendidas atópase nun estado de gran vulnerabilidade, cunha renda per cápita que, en máis do 90% dos casos, sitúase en contías inferiores ao IPREM. Ás dificultades que se presentan ante toda aquela persoa que necesite recorrer ao apoio dos Servizos Sociais¹ engádese, no caso das persoas de orixe estranxeira, unha maior restrición de

acceso a estes servizos e prestacións, estando completamente vetados ás persoas que se atopen en situación administrativa non regularizada. É precisamente este colectivo o que sofre un maior grao de exclusión: denegación de acceso á formación ocupacional ou aos plans formativos para o emprego – perpetuando así a súa exclusión do mercado laboral-, dificultade de acceso á asistencia xurídica gratuíta ante casos de

¹ Por citar tan só un exemplo, o tempo medio na cidade da Coruña para unha primeira cita cun traballador ou traballadora social, ronda os tres meses de espera.

discriminación ou de agresión racista ou xenófoba... e un longo etcétera. Todas aquelas persoas que conseguiron un traballo a través dalgún dos nosos programas de inserción, obtiveron só contratos temporais e a xornada parcial, o cal indica a enorme precariedade laboral e social á que actualmente nos enfrontamos.

Como amosan os apartados desta memoria, a nosa intervención realízase

tanto a nivel individual, apoiando a persoas e familias, como a nivel social e estrutural, implementando, entre outros, campañas de concienciación, accións de denuncia ou de educación intercultural. Pretendemos continuar a traballar, CON e PARA as persoas, en aras da construción dunha sociedade máis xusta e democrática, con igualdade de dereitos e oportunidades para todas as persoas, independentemente da súa condición ou orixen, conscientes da loita e do esforzo constante que implica..



“MBOY MOE DOLE” (a unión fai a forza)

A nosa filosofía como entidade non tería sentido se non creáramos que a base de toda organización social debe fundamentarse no traballo en rede, acadando así unha maior efectividade e eficiencia dos esforzos e recursos na loita pola igualdade social.

Acordos de colaboración:



Oficina de Cooperación e Voluntariado



Vicerreitoría de Relacións Internacionais e Cooperación
UNIVERSIDADE DA CORUÑA



Participación en plataformas:



migreurop
observatoire des frontières

Colaboracións e agradecementos



Impresión cartelería da campaña “Racistas
#mantenosforadexogo”



Víctor Tojo

Diseño cartelería da campaña “Racistas
#mantenosforadexogo” e material
difusión



Cesión de espazos para o desenvolvemento de
actividades durante os tres primeiros trimestres do
2015

Oficina de Cooperación e
Voluntariado

Vicerreitoría de Relacións
Internacionais e Cooperación
UNIVERSIDADE DA CORUÑA



Doazón de equipamento informático



A **Antía García Sendón**. Cesión de dereitos de autora para o uso da fotografía da portada



A todo o voluntariado, socios e socias, así como a todas as persoas participantes nos nosos
programas, que durante o 2015 estiveron ao noso lado e confiaron en nos.

Sen vós tería sido imposible.

**Un millón de grazas a todas e todos por estar
sempre aí e confiar en nós!!!**